

Hobennan Arubiano studiando na Alemania:

Intercambio di Studiante ‘Erasmus Chapter’ ta un oportunidad unico pa hobennan di Aruba

ORANJESTAD – Actualmente Universidad di Aruba tin dos hoben Arubiano participando den un programa di intercambio di estudiante cu un universidad Aleman. Ta trata aki di Mynorka Daza y Grixeny (Tanisha) Ponson, kendenan ta siguiendo nan estudio na Deggendorf Institute of Technology.

Esaki a wordo logra despues di varios año cu Aruba riba papel tabatin e derecho den e programa di intercambio pero den practica a confronta obstaculo. Awor finalmente por haci uzo di e asina yama Erasmus Chapter via intermediacion di Gobierno di Aruba y su representante na Brussels mr. drs. Cedrick Tilma y varios

otro personanan clave mas, entre nan e rector di Universidad dr. Glenn Thode.



E dos studiantenan presente durante e conferencia via Skype, a expresa cu nan ta hopi contento di tabata e prome pa haci uzo di e oportunidad aki den e intercambio di estudiante entre Aruba y Aleman. “E ta un experiencia grandi, pasobra nos tin e escogencia entre dife-

rente cursonan. Pues nos no ta limita na e cursonan cu ta wordo duna na Aruba so.”

Ademas di e parti educativo, e aspecto importante ta cu ta haya chens pa cera conoci cu personanan di diferente pais, cu nunca nan a pensa di lo a topa. E cultura den cual nan ta studiando, sigur in su impacto riba resto di nan bida. “El a cambia e forma con mi ta mira bida pa cual mi ta masha agradecido.

Principalmente pasobra nos ta haya chens di promove Aruba tambe cerca esunnan cu no a yega di tende nunca prome di nos isla.”

E dos studiantenan den ramo di “Hospitality, Tourism & International Business”, ta haya les na Ingles, y ta probecha di e programanan di e

Universidad Aleman pa tuma lesnan di idioma Aleman y Portugues.

Tanisha a splica prensa cu ora e oportunidad aki a surgi, a dicidi di tuma esey pasobra a mir’e como un oportunidad unico. “Nos ta mira e miho

di ambos mundo,” el a expresa. E ta un forma pa nan siña mas di mundo y alabes laga nan compañeronan di estudio cera conoci cu Aruba. Nan ta kere cu di e forma aki hobennan ta siña aprecia nan isla hopi mas. □